

Verklagsregla um microtese og tæknifrjóvgunar-meðferðir tengdar þeim

Um greiðsluþáttöku í meðferð sem ekki er í boði á Íslandi

Samkvæmt 23. gr. laga um sjúkratryggingar greiða Sjúkratryggingar fyrir meðferð erlendis, ef meðferðin er ekki í boði á Íslandi, meðferðin er alþjóðlega viðurkennd og brýn nauðsyn er á að fá hana framkvæmda. Sækja þarf um greiðsluþáttöku til Sjúkratrygginga. Sérstakur ráðgjafahópur lækna veitir ráðgjöf við ákvörðun um hvort greiðsluþáttaka sé veitt.

Ef greiðsluþáttaka er samþykkt greiða Sjúkratryggingar allan kostnað við microtese meðferðina. Sjúkrahús erlendis getur sent Sjúkratryggingum reikning fyrir þeim hluta meðferðarinnar.

Allar rannsóknir, sem erlendi meðferðaraðilinn telur nauðsynlegt að gera áður en microtese meðferðin fer fram, skulu gerðar á Íslandi ef hægt er að framkvæma þær hér á landi. Ef slíkar rannsóknir eru samt sem áður gerðar erlendis má búast við því að Sjúkratryggingar greiði þær ekki að fullu, heldur verði greiðsluþáttaka hin sama og ef rannsóknin hefði verið gerð á Íslandi. Ef slíkar rannsóknir lengja ferðatíma erlendis verða dagpeningar ekki greiddir fyrir alla daga ferðarinnar.

Greiðsluþáttaka í tæknifrjóvgunarmeðferð sem fylgir microtese

Greitt er fyrir tæknifrjóvgunarmeðferðina sem fylgir microtese á sama hátt og fyrir tæknifrjóvgunarmeðferð sem fram fer hér á landi.¹

Upplýsingar um greiðsluþáttöku í meðferð sem fer fram hér á landi má finna í 3. gr. reglugerðar nr. 1239/2018.² Þannig er endurgreiðsla í fyrstu meðferð 5%, en 65% í annarri til fjórðu meðferð. Engin greiðsluþáttaka er í meðferðum eftir það.

Upphæð sem heimilt er að endurgreiða miðar við gjaldskrá Sjúkratrygginga.³ Í núgildandi gjaldskrá kemur fram að endurgreiðsla fyrir heila meðferð reiknist út frá verðinu 480.000 kr. Sé greiðsluþáttaka í meðferð 65% (um er að ræða aðra til fjórðu meðferð) er hámarksendurgreiðsla því 312.000 kr.

¹ Þetta byggir á 11. gr. reglugerðar nr. 712/2010 um brýna meðferð erlendis, en þar kemur fram að sjúkratryggðir skuli greiða fyrir tæknifrjóvgunarmeðferð eftir sömu reglum og ef meðferðin hefði farið fram á Íslandi. Um greiðsluþáttöku í tæknifrjóvgunarmeðferð á Íslandi gildir reglugerð nr. 1239/2018 með síðari breytingum.

² [1239/2018 – Reglugerð um þáttöku sjúkratrygginga í kostnaði við tæknifrjóvganir sem veittar eru án samnings við Sjúkratryggingar Íslands. \(island.is\).](#)

³ stjornartidindi.is/Advert.aspx?RecordID=9a83d5bd-e7b2-4332-87bc-e025a02297d9.

Ef gjald fyrir meðferðina erlendis er hærra en hér á landi greiða Sjúkratryggingar mismuninn. Þó er að hámarki miðað við að meðferðin kosti 950.000 kr.⁴

Dæmi um útreikning:

Tæknifrjónungunarmeðferðin eftir microtese erlendis kostar 950.000 kr. eða meira, en á Íslandi miðar endurgreiðsla við verðið 480.000 kr. Ef um er að ræða meðferð með 65% endurgreiðslu endurgreiða Sjúkratryggingar 312.000 kr. en sjúklingur það sem eftir stendur.

Auk þess greiða Sjúkratryggingar þó mismuninn á kr. 590.000, sem er verð hjá þjónustuveitanda á Íslandi, og verðs erlendis þó með hámarkinu 950.000 ($950.000 - 590.000 = 360.000$ kr.).

Hámarks möguleg endurgreiðsla væri þannig $312.000 + 360.000$ (þ.e. $950.000 - 590.000$) = **672.000 kr.**

Í framkvæmd þurfa sjúkratryggðir í flestum tilvikum að greiða fyrir tæknifrjónungunarmeðferðina í kjölfar microtese og óska síðan eftir endurgreiðslu frá Sjúkratryggingum.

Hvað er innifalið í heilli tæknifrjónungunarmeðferð

Í 1. gr. reglugerðar nr. 1239/2018 kemur fram hvað felst í einni meðferð. Segir þar að tæknifrjónungun hefjist með því að kynfrumum, eggjum eða sæði, er safnað. Kynfrumur eru ýmist frystar eða egg frjónvað og tilbúnir fósturvísar frystir eða settir upp. Hverri meðferð lýkur með einni uppsetningu fósturvísar eða fósturvísa, óháð því hve margir fósturvísar kunna að hafa orðið til í ferlinu.

Ef enginn nothæfur fósturvísir fæst eða ef ákveðið er að frysta fósturvísa og hefja eggheimtu þegar á ný, í stað þess að setja upp fósturvísi, telst meðferð einnig lokið. Ný meðferð hefst þá með undirbúningi nýrrar eggheimtu og þarf okkur að berast ný umsókn.

Greiðsla ferðakostnaðar og dagpeninga vegna microtese meðferðar

Dagpeningar verða greiddir til þess sem undirgengst microtese meðferðina og foreldris sem mun ganga með barn. Greitt er fyrir fargjald og dagpeninga til og með þess dags sem uppsetning fósturvísar er gerð (ef til er fósturvísir af nægum gæðum til uppsetningar). Inni í þessum tíma getur verið undirbúningstími sem þjónustuveitandi erlendis metur nauðsynlegan. Dagpeningar eru einnig greiddir fyrir heimferðardag.

Ferðakostnaður foreldris sem ekki gengur með barn er aðeins greiddur ef um er að ræða kynfrumugjafa. Það er vegna þess að viðvera hans er nauðsynleg svo fósturvísir geti orðið til.

⁴ Miðað er við kostnað á Karolinska sjúkrahúsinu í Stokkhólmi, þar sem Sjúkratryggingar hafa gert samning um fósturvísagreiningar.

Misjafnt getur verið hversu langur meðferðartími er nauðsynlegur erlendis vegna microtese meðferðar og uppsetningar fósturvísis. Sjúkratryggingar meta fyrir hversu marga daga dagpeningar eru greiddir hverju sinni. Ef meðferðartími fyrir uppsetningu fósturvísis er óvenjulega langur má búast við að ekki sé greitt fyrir alla daga.

Geymslugjald

Ef til verða fósturvísar sem hægt er að frysta að lokinni microtese og tæknifríjvögunarmeðferð þá greiða Sjúkratryggingar **ekki** fyrir geymslu slíkra fósturvísa erlendis, nema geymslugjaldið sé hærra en samkvæmt gjaldskrá Sjúkratrygginga um slíkt gjald hér á landi. Ef svo er þá er greiddur mismunur. Þetta er í samræmi við innlenda reglugerð þar sem geymslugjald fyrir frysta fósturvísa er almennt ekki greitt.

Að hámarki er miðað við að geymslugjald sé 105.000 kr. á ári⁵ og er þá að hámarki endurgreiddur mismunur á þeirri upphæð og 25.000 kr., samanber gjaldskrá Sjúkratrygginga.⁶

Í framkvæmd þurfa sjúkratryggðir að leggja út fyrir kostnaðinum og fá síðan endurgreiðslu frá Sjúkratryggingum.

Uppsetning frystra fósturvísa sem fást eftir microtese meðferð

Þegar kemur að uppsetningu frystra fósturvísa er **ekki** greiðsluþátttaka samkvæmt innlendri reglugerð og sama gildir því um slíka meðferð erlendis. Ef uppsetning á frystum fósturvísi er kostnaðarsamari erlendis en samkvæmt gjaldskrá Sjúkratrygginga, greiða Sjúkratryggingar þó mismuninn.

Að hámarki er miðað við að meðferðin kosti 260.000 kr.⁷ og er þá að hámarki endurgreiddur mismunur á þeirri upphæð og 202.000 kr., samanber gjaldskrá Sjúkratrygginga.⁸

Í framkvæmd þurfa sjúkratryggðir að leggja út fyrir kostnaðinum og fá síðan endurgreiðslu frá Sjúkratryggingum.

Ferðakostnaður og dagpeningar, vegna uppsetningar á frystum fósturvísi, eru greiddir fyrir foreldri sem mun ganga með barnið. Ekki er greiddur ferðakostnaður fyrir maka, þar sem slík heimild byggir á læknisfræðilegri nauðsyn.

⁵ Miðað er við kostnað á Karolinska sjúkrahúsinu í Stokkhólmi, þar sem Sjúkratryggingar hafa gert samning um fósturvísagreiningar.

⁶ stjornartidindi.is/Advert.aspx?RecordID=9a83d5bd-e7b2-4332-87bc-e025a02297d9.

⁷ Miðað er við kostnað á Karolinska sjúkrahúsinu í Stokkhólmi, þar sem Sjúkratryggingar hafa gert samning um fósturvísagreiningar.

⁸ stjornartidindi.is/Advert.aspx?RecordID=9a83d5bd-e7b2-4332-87bc-e025a02297d9.